



Broj: 07-11-562/23
Vogošća, 27.04.2023. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 27.04.2023. godine donio je

ODLUKU
O IZBORU NAJPOVOLJNIJEG PONUĐAČA ZA PRUŽANJE DODATNIH USLUGA NA IZRADI
GLAVNOG PROJEKTA VODOSNABDIJEVANJA NASELJA LJUBINA I POTUROVIĆI

Član 1.

Konačna Ponuda ponuđača "Zavod za vodoprivredu" d.d. Sarajevo, ulica Paromlinska broj 53 E/I Sarajevo, odabrana je za pružanje dodatnih usluga na izradi Glavnog projekta vodosnabdijevanja naselja Ljubina i Poturovići, a nakon provedenog Pregovaračkog postupka bez objave obavještenja o nabavci, sa ukupnom cijenom nabavke u iznosu od 3.000,00 KM bez uračunatog PDV-a, odnosno 3.510,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 07.04.2023. godine. godine donošenjem Odluke o pokretanju pregovaračkog postupka bez objave obavještenja o nabavci sa jednim ponuđačem broj: 07-11-562/23 pokrenuo postupak nabavke dodatnih usluga na izradi Glavnog projekta vodosnabdijevanja naselja Ljubina i Poturovići, putem Pregovaračkog postupka bez objave obavještenja o nabavci sa jednim ponuđačem.

Pozvani ponuđač/kandidat "Zavod za vodoprivredu" d.d. Sarajevo je dana 07.04.2023. godine sa Portala JN preuzeo Tendersku dokumentacija za fazu pretkvalifikacije (I dio-Poziv za učešće).

Krajnji rok za dostavu Zahtjeva za učešće i pretkvalifikacione dokumentacije bio je 14.04.2023. godine (petak) do 12:00 sati.

Na prvoj sjednici Komisije za javne nabavke, prilikom otvaranja početne ponude dana 14.04.2023. godine, Komisija za javne nabavke je utvrdila da je da je na protokol kao blagovremen zaprimljen Zahtjev za učešće i pretkvalifikaciona dokumentacije ponuđača/kandidata "Zavod za vodoprivredu" d.d. Sarajevo, broj int. knjige 125/23.

Nakon izvršenog otvaranja zaprimljenog Zahtjeva za učešće i pretkvalifikacione dokumentacije, Komisija za javne nabavke je pristupila analizi dokumentacije, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji za fazu pretkvalifikacije broj: 07-11-562/23 iz aprila 2023. godine, odnosno pregledu dokumentacije u skladu sa procedurama i pravilima utvrđenim Tenderskom dokumentacijom, te Zakonom o

javnim nabavkama BiH i pripadajućim podzakonskim aktima, nakon čega je utvrđeno da dostavljena kvalifikaciona dokumentacija i Zahtjev za učešće ponuđača/kandidata "Zavod za vodoprivredu" d.d. Sarajevo ispunjavaju tražene kvalifikacione uslove, odnosno zahtjeve ugovornog organa tražene Tenderskom dokumentacijom za fazu pretkvalifikacije.

Obzirom da su pristigla kvalifikaciona dokumentacija i Zahtjev za učešće ispunjavali tražene kvalifikacione uslove, odnosno zahtjeve ugovornog organa tražene Tenderskom dokumentacijom, Komisija za javne nabavke je jednoglasno dala preporuku Općinskom načelniku da donese Odluku o kvalificiranosti ponuđača "Zavod za vodoprivredu" d.d. Sarajevo, za nabavku dodatnih usluga na izradi Glavnog projekta vodosnabdijevanja naselja Ljubina i Poturovići putem Pregovaračkog postupka bez objave obavještenja o nabavci.

Dana 14.04.2023. godine Općinski načelnik je donio Odluku broj: 07-11-562/23 o kvalificiranosti ponuđača u pregovaračkom postupku bez objave obavještenja o nabavci za nabavku dodatnih usluga na izradi Glavnog projekta vodosnabdijevanja naselja Ljubina i Poturovići, kojom je kvalifikaciona dokumentacija i Zahtjev za učešće ponuđača/kandidata "Zavod za vodoprivredu" d.d. Sarajevo ocijenjena kao formalno-pravno prihvatljiva.

Nakon donošenja Odluke o kvalificiranosti ponuđača, ponuđaču "Zavod za vodoprivredu" d.d. Sarajevo je putem Portala JN omogućeno preuzimanje Tenderske dokumentacije za izradu početne/inicijalne ponude-II dio zajedno sa pozivom za dostavu početne/inicijalne ponude kao i sudjelovanje u u pregovaračkom postupku bez objave obavještenja o nabavci.

Krajnji rok za dostavu početne/inicijalne ponude bio je 24.04.2023. godine (ponedjeljak) do 13:00 sati.

Komisija za javne nabavke je kroz Zapisnik o obavljenim pregovorima od 24.04.2023. godine konstatovala da je na protokol ugovornog organa kao blagovremena pristigla početna/inicijalna ponuda ponuđača "Zavod za vodoprivredu" d.d. Sarajevo, broj int. knjige 129/23 od 19.04.2023. godine za nabavku dodatnih usluga na izradi Glavnog projekta vodosnabdijevanja naselja Ljubina i Poturovići, putem Pregovaračkog postupka bez objave obavještenja o nabavci sa jednim ponuđačem.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da je početna/inicijalna ponuda ponuđača "Zavod za vodoprivredu" d.d. Sarajevo formalno-pravno ispravna te da ispunjava uslove, odnosno zahtjeve ugovornog organa tražene Tenderskom dokumentacijom

Zatim je Komisija za javne nabavke pristupila razmatranju finansijskog dijela početne ponude ponuđača "Zavod za vodoprivredu" d.d. Sarajevo, te je izvršena računska provjera dostavljene početne ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da je pristigla početna/inicijalna ponuda ispunjavala formalno-pravne uslove, odnosno zahtjeve ugovornog organa tražene Tenderskom dokumentacijom, Komisija za javne nabavke je pristupila fazi pregovora sa ponuđačem "Zavod za vodoprivredu" d.d. Sarajevo.

U skladu sa članom 136. stav 2. i članom 147. stav 2. Zakon o upravnom postupku Federacije BiH ("Službene novine Federacije BiH" broj: 2/98, 48/99 i 61/22) pregovori sa ponuđačem su se obavljali telefonskim putem.

Ispred ponuđača "Zavod za vodoprivredu" d.d. Sarajevo pregovore je obavljao gospodin Vedran Silajdžić, direktor firme "Zavod za vodoprivredu" d.d. Sarajevo.

Ispred ugovornog organa Općine Vogošća pregovore je obavljala Komisija za javne nabavke. Predmet pregovora je bila ponuđena cijena tj. ponuđeni iznos za pružanje dodatnih usluga na izradi Glavnog projekta vodosnabdijevanja naselja Ljubina i Poturovići u iznosu od 3.000,00 KM bez uračunatog PDV-a, odnosno 3.510,00 KM sa uračunatim PDV-om.

Nakon završenog postupka pregovaranja Komisija za javne nabavke je konstatovala da ponuđač "Zavod za vodoprivredu" d.d. Sarajevo nije pristao na sniženje svoje ponuđene cijene iz početne Ponude.

Općina Vogošća kao ugovorni organ je na Portalu JN učinila dostupnom Tendersku dokumentaciju za izradu konačne ponude-III dio, koja sadrži zahtjev za predaju konačne ponude, obrazac za konačnu ponudu, obrazac za konačnu cijenu ponude kao i Nacrt Ugovora (Aneks 1, 2 i 3).

Ponuđač je bio dužan preuzeti TD za izradu konačne ponude-III dio sa Portala JN BiH i dostaviti traženu dokumentaciju (konačnu ponudu) najkasnije dana 26.04.2023. godine do 12:00 sati, na protokol ugovornog organa.

Dana 26.04.2023. godine Ponuđač "Zavod za vodoprivredu" d.d. Sarajevo je na protokol ugovornog organa kao blagovremenu dostavio konačnu ponudu za nabavku dodatnih usluga na izradi Glavnog projekta vodosnabdijevanja naselja Ljubina i Poturovići, putem Pregovaračkog postupka bez objave obavještenja o nabavci sa jednim ponuđačem, broj int. knjige 135/23 od 25.04.2023. godine, sa ponuđenom ukupnom cijenom nabavke u iznosu od 3.000,00 KM bez uračunatog PDV-a.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da je konačna ponuda ponuđača "Zavod za vodoprivredu" d.d. Sarajevo formalno-pravno ispravna te da ispunjava uslove, odnosno zahtjeve ugovornog organa tražene Tenderskom dokumentacijom za izradu konačne ponude-III dio.

Zatim je Komisija za javne nabavke pristupila razmatranju finansijskog dijela konačne ponude ponuđača "Zavod za vodoprivredu" d.d. Sarajevo, te je izvršena računska provjera dostavljene konačne ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, Komisija za javne nabavke je ocijenila konačnu ponudu ponuđača "Zavod za vodoprivredu" d.d. Sarajevo kao prihvatljivu za ugovorni organ sa stanovišta procijenjene vrijednosti nabavke, te je jednoglasno dala preporuku Općinskom načelniku da donese Odluku o izboru najpovoljnijeg ponuđača "Zavod za vodoprivredu" d.d. Sarajevo, za pružanje dodatnih usluga na izradi Glavnog projekta vodosnabdijevanja naselja Ljubina i Poturovići, sa ukupnom cijenom nabavke u iznosu od 3.000,00 KM bez uračunatog PDV-a, odnosno 3.510,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



Dostavljeno:

1. "Zavod za vodoprivredu" d.d. Sarajevo
2. Nadležnoj Službi

info@vodoprivreda.ba

3. U dosije
4. a/a